

**Uunga siunnersuut: KNI A/S pillugu Inatsisartut peqqussutaata
allangortinneqarneranik Inatsisartut inatsisaat nr. xx, xx 2016-imeersoq**
Inuussutissarsiornermut, Suliffeqarnermut Niuernermut Nunanullu Allanut Naalackersuisoq

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerpeqarneranut

**ILASSUTITUT
ISUMALIUTISSIISUTAA**

Ulloq 31. oktober 2016-imi inissitsiternerup kingorna ataatsimiititaliap ilaasortarai:

Inatsisartunut ilaasortaq Jens Immanuelson, Siumut, siulittaasoq
Inatsisartunut ilaasortaq Randi V. Evaldsen, Demokraatit, siulittaasup tullia
Inatsisartunut ilaasortaq Nikolaj Jeremiassen, Siumut
Inatsisartunut ilaasortaq Jess Svane, Siumut
Inatsisartunut ilaasortaq Ane Hansen, Inuit Ataqatigiit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Bendt B. Kristiansen, Inuit Ataqatigiit

Ulloq 10. november 2016-imi aappassaaneerinerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Nunaqarfinni ingerlatanik ataatsimoortitsinissamut suliniut matuneqareersoq pillugu inatsit kiisalu usinik ilaasunillu angallassineq pillugu kiffartuussinissamik isumaqatigiissuteqarnissamut aammalu aalisakkanut qalerualinnullu tunitsivinnik tunisassiorfinnillu pilersitsinissamut attassinissamullu KNI A/S-ip pisussaaffia siunnersuutikkut atorunnaarsinneqarput.

Siunnersuummi aamma erseqqissarneqarpoq Naalackersuisut KNI A/S suliaassanik allanik nalinginnaasumik pingaaruteqartunik, KNI-ip suliaanut pingaarnernut niuernikkut pissusissamisoortumik attuumassuteqartunik suliaqarnissaq pillugu kiffartuunneqarnissamut isumaqatigiissuteqarnissamut pisussaaffilersinnaagaat.

Kiisalu nukissiuuteqarnermut immikkoortortap avissaartinneqarnissaata aammalu nukissiuuteqarnermut immikkoortortap ingerlataanik avitsinikkut tunniussinikkullu ingerlatseqatigiiffim-

mik nutaamik pilersitsinissap akuerineqarnissaanut Naalakkersuisut siunnersuutikkut piginaatinneqarput.

2. Siunnersuutip Inatsisartunit siullermeerneqarnera

Siullermeerinninnermi siunnersuut tapersorsorneqarlunilu akerlerineqarpoq. Siunnersuutip ilaa nunaqarfinni ingerlatanik ataatsimoortitsinissamut suliniut matuneqareersoq pillugu inatsisip atorunnaarsinneqarneranut tunngasoq kiisalu usinik ilaasunillu angallassineq pillugu kiffartuussinissamik isumaqatigiissuteqarnissamut aammalu aalisakkanut qalerualinnullu tunitsivinnik tunisassiorfinnillu pilersitsinissamut attassinissamullu KNI A/S-ip pisussaaffiata atorunnaarsinneqarneranut tunngasoq tapersorsorluarneqarput. Siunnersuutip ilaa nukissiuuteqarnermut immikkoortortap KNI A/S-imit avissaartinneqarsinnaaneranut tunngasoq aamma taperserneqarpoq, tamatumani nukissiuuteqarnermi immikkoortortap avissaartinneratigut tapiiffigeqatigiissutaasinnaasut ersarissinneqarnissaannik kiisalu niuernikkut suliassa qarfiit assigiinngitsut qitiutillugit aqutsivigineqarsinnaalernissaannik isumaqarneq aallaavigineqarluni.

Siullermeerinninnermi siunnersuut aappassaaneerneqannginnermi ataatsimiititaliamut suliarineqartussanngorlugu innersuunneqarpoq, taamaalillunilu siunnersuut pillugu isumaliutissiisuteqartoqarluni. Ataatsimiititaliami amerlanerussuteqartut siunnersuut akuerineqasasoq isumaliutissiisummi inassutigaat. Siunnersuut pingajussaaneerneqannginnermi ataatsimiititaliami suliarineqaqqittussanngorlugu innersuunneqarpoq.

3. Siunersiuineq

Ataatsimiititaliap siunnersuummik suliarinninneranut atugassatut apeqqutit arlallit akissuteqarfigeqqullugit Inuusstissarsiornermut, Suliffeqarnermut, Niuernermut Nunanullu Allanut Naalakkersuisoq qinnuigaa. Ataatsimiititaliap apeqqaasa Naalakkersuisullu akissutaasa assilineri isumaliutissiisummut matumunnga ilanngussaq 1-itut aamma 2-tut ilanngunneqarput.

4. Ataatsimiititaliap siunnersuummik suliarinninnera

Aningaasaqarnermut Akileraartarnermullu Ataatsimiititaliap paasinninnera malillugu siunnersuutip aappassaaneerneqarnerani siunnersuummi pingaartumik pissutsit marluk oqallisutaapput. Siullermik avitsisoqassagalarpat tamatuma kingunerisinnaasai apeqquserneqarput. Aappaattut ingerlatseqatigiiffik nutaaq suliassaminik kivitsisinnaangippat tamatuma kingunerisassai aammalu innuttaasunut inuiaqatigiinnullu tamanna qanoq kinguneqassanersoq apeqquserneqarpoq.


Apeqqutit taakku ataatsimiititaliap siunersiuinissamut apeqqutigisaani sammeneqarput.

5. Ataatsimiititaliap inassuteqaatai

Tamanna tunngavigalugu Aningaasaqarnermut Akileraartarnermullu Ataatsimiititaliami amerlanerussuteqartut Inuit Ataqtigiit Demokraatillu ilaasortaataasa inassutigaat siunnersuut Inatsisartunit itigartinneqasasoq.

Tamanna tunngavigalugu Aningaasaqarnermut Akileraartarnermullu Ataatsimiititaliami ikinnerussuteqartut Siumup ilaasortaatitaasa inassutigaat siunnersuut Inatsisartunit akuerineqassasoq.


Taama oqaaseqarluni isumaliutissiisummillu oqaatigineqartutut paasinnilluni ataatsimiititaliap siunnersuut pingajussaaniigassanngortippaa.



Jens Immanuel, Siulittaasoq




Randi V. Evaldsen




Peter Olsen




Nikolaj Jeremiassen



Jess Svane



Ane Hansen



Bendt B. Kristiansen



**Inuussutissarsiornermut, Suliffeqarnermut,
Niuernermut Nunanullu Allanut
Naalakkersuisoq**

Ulloq: 16. november 2016

J.nr.: 01.25.01/16EM-LABU-113

**Aningaasaqarnermut Akileraartarnermullu Ataatsimiititaliamit sisamangornermi
ulloq 17. november 2016, nal. 16.00 ataatsimiittarfik 1-imi siunersiorneqarnissamut
aggeqqusissut.**

Oqaluuserisassani immikkoortoq UKA 2016/113 KNI-mut tunngasoq pillugu Inatsisartut suleriaasianni § 19 naapertorlugu siunersiorneqarnissamut Aningaasaqarnermut Aatsitassanullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

Aningaasaqarnermut Ataatsimiititaliap oqaaseqaatai apeqqutaalu:

Aningaasaqarnermut Akileraartarnermullu Ataatsimiititaliap paasinninnera malillugu siunnersuutip aappassaaneerneqarnerani siunnersuummi pingaartumik pissutsit marluk oqallisutaapput. Siullermik avitsisoqassagaluarpat tamatuma kingunerisinnaasai apeqquserneqarput. Aappaattut ingerlatseqatigiiffik nutaaq suliassaminik kivitsisinnaangippat tamatuma kingunerisassai aammalu innuttaasunut inuiaqatigiinnullu tamanna qanoq kinguneqasangersoq apeqquserneqarpoq.

Avitsinissaq

Apeqqut pingaarneq siulleq avitsinissap kingunerisinnaasaanut tunngasoq pillugu ataatsimiititaliaq isumaliutissiisummini siullermi ima allappoq:

“Ataatsimiititaliamit oqaatigineqassaaq siunnersuummi pingaarnertut pineqartoq tassaangimmat avitsineq piviusunngortinneqassappat tamatuma kingunerisinnaasai. Taakku ataatsimiititaliap isumaa malillugu avitsinissamut pilersaarummi naamassillugu suliarineqartumi, avitsinissap piviusunngortinneqarnissaanut aalajangiinissamut tunngaviusussami, aatsaat takuneqarsinnaassapput. Avitsinissamut pilersaarummi avitsinerup aningaasatigut kingunerisassai aatsaat takuneqarsinnaassapput. Taamattumillu paasissutissat taakku ujartornissaannut suli siusippallaartoq ataatsimiititaliaq isumaqarpoq. Ataatsimiititaliap isumaa malillugu avitsinissaq pillugu misissueqqissaarnerup aallartinneqarneranut ingerlanneqarnerannullu aningaasartuutissat tassaassapput siunnersuutip kingunerisassavii.”

Ataatsimiititaliap ersarilluinnartumik naatsorsuutigaa avitsinissaq aatsaat ingerlanneqasasoq avitsinissamik misissueqqaarnikkut maleruagassat atuuttut tunngavigalugit taama kissaateqarneq tunngavissinneqarpat. Taamaattumillu tamanna pillugu aalajangiisoqannginnerani avitsinissamik pilersaarutaajunnartut ataatsimiititaliamut ilisimatitsissutitut nassiun-

neqarnissaat Naalakkersuisunit qulakkeerumaneqarmat ataatsimiititaliamit iluarisimaarneqarpoq.

Apeqqut 1:

Siuliani taaneqartunut Naalakkersuisut oqaaseqaateqarnissaat ataatsimiititaliamit kissaatigineqarpoq.

Inuiaqatigiinnut kingunerisassat

Apeqqutip pingaarnerup aappaa nukissiuuteqarnermut immikkoortotap ingerlatseqatigiiffittut nutaatut ikummatissanik imerpalasunik pilersuisussaataitanermik ingerlatitseqqinnerani inuiaqatigiinnut kingunerisassanut tunngavoq. Ataatsimiititaliami ikinnerussuteqartut Inuit Ataqatigiit ilaasortaaitai immikkoortup aappassaaneeraneqarnissaanut ataatsimiititaliap isumaliutissiissutaani ikinnerussuteqarlutik ima oqaaseqaateqarput:

”Isumaqarpugut nunatta sineriaani nunaqarfippassuit illoqarfippassuillu pingaartumik inoqarfuit avinngarusimasut KNI aqutigalugu pilersorneqarnissaannik kiffartuunneqarnissaannillu qulakkeerisimaneq navianartorsiortinneqariaannaasoq. Tamannalu pissasoq KNI ulluinnarni aningaasarsiornikkut napatinneqarneranut ilapittuutaalluartoq Polar Oil A/S avissaartinneqassagaluarpat.

Ingerlatseqatigiiffiit pineqartut nunatsinni inoqarfinni inuit kiffartuunneqarnerannut akilersinnaassuseqartitsinermullu kivitseqatigiilluartuupput. Kivitseqatigiinnerli piusoq ajorseriartinneqassaaq ingerlatseqatigiiffiit avinneqarpata, aamma ”kiffar-tuusseqatigiikkunnaarpata”. Inuit Ataqatigiit qulakkeersinnaasimangilarput KNI ilumut ullumikkutut kiffartuussinini pilersuininilu attatiinnarsinnaasimassaneraa Polar Oil A/S toqqaanartumik suleqatigiunnaaruniuk, imaluunniit iluanaarutitigut avitseqatigisarunnaaruniuk.

Inuit kiffartuunneqarnerat illoqarfinni inuttunerusuni kisimi ingerlaleqqunagu, aamma isorliunerusut kiffartuunneqarsinnaajuarnissaat, minnerunngitsumillu nunaqarfinni kiffartuussinerep ajorsiertulinnginnissaa qulakkeerniarlugu siunnersuut Inuit Ataqatigiinniit itigartipparput. Ingerlatseqatigiiffiit pineqartut sulisoqarnermikkut, pilersuinerikkut kiffartuussinermikkut aammalu ingerlatsinikkut siuarsaasinnaassuseqarnissaat allannguuteqartussaq qulaajaaffigineqanngimmat.

Taamaattumik aalajangernissamut tunngavissat amigarluinnartut tunngavigalugit, aalajangiiffigisassarlu taamak annertutigisoq ”nikussutiinnarlugu” aalajangersaaffigineqartariaqanngitsoq Inuit Ataqatigiit aalajangiusimavarput. Nunatsinni sapinngisamik inuit tamarmik pitsaanerpaamik kiffartuunneqarnissaat qulakkeerniagassaammat akerliulluta taasissaagut.”

Ikinnerussuteqarluni oqaaseqaat taanna ataatsimiititaliap isumaa malillugu immikkoortup aappassaaneeraneqarnissaani isumakuluutitut saqqummiunneqartunut eqikkaatitut atorluarneqarsinnaavoq.

Apeqqut 2:

Taamaattumillu ikinnerussuteqarluni oqaaseqaatip siuliani taaneqartup imarisaanut Naalakkersuisut oqaaseqaateqarnissaat ataatsimiititaliamit kissaatigineqarpoq.

Kiffartuussinissamik isumaqatigiissutit

Kiffartuussinissamik isumaqatigiissutit ingerlatseqatigiiffimmut nutaamut isumaqatigiissutigineqarsinnaasut ajorseriaateqannginnissaat ataatsimiititaliamit ersarilluinnartumik naatsorsuutigineqartoq siunnersuutip matuma aappassaaneerseqarnissaanut ataatsimiititaliap isuma-liutissiissutaani allassimavoq. Ataatsimiititaliaq ima allappoq:

” Taamaattumillu ataatsimiititaliamit naatsorsuutigineqarpoq ingerlatseqatigiiffik nutaaq, nukissiuuteqarnermut immikkoortortap maanna ingerlataanik ingerlat-sitseqqittussaq, atugassarititaareersut assinginik atugassaqartinneqassasoq. Siuli-ani taaneqareersutut ingerlatseqatigiiffiit suliassat inuiaqatigiinnut pingaarutillit pillugit kiffartuussinissamik isumaqatigiissuteqarfigineqartut suliassanik iller-sorneqarsin-naasumik ilumut isumaginnissinnaanissaat ataatsimiititaliamut aala-jangiisuusumik pingaaruteqarpoq. Tamanna tunngavigalugu ingerlatseqatigiiffim-mut Namminer-sorlutik Oqartussanit pigineqartumut nutaamut kiffartuussinissamik isumaqa-tigiissuteqarnissaq akimmisaarfissaqanngitsoq ataatsimiititaliaq isu-maqarpoq, tassa Namminersorlutik Oqartussat suliassanik isumaginninnermi pi-umasaqaataat ajorseriaateqartinneqanngippata.”

Tamanna pillugu isummani ataatsimiititaliap allanngortinngilaa. Ataatsimiititaliamut aalajangiisuusooq tassaavoq ingerlatseqatigiiffiit suliassanik inuiaqatigiinnut pingaarutilinnik kiffartuussinissamik isumaqatigiissuteqarfigineqartut suliassamik illersorneqarsinnaasumik kivitsisinnaanissaat. Kiisalu ataatsimiititaliamit erseqqissarneqassaaq suliassaqarfimmi tamatumani kiffartuussinissamik isumaqatigiissuteqarnissaq aningaasanut inatsisikkut inatsisinullu atuuttunut naapertuuttumik maleruagassiuunneqarmat.

Apeqquut 3:

Ingerlatseqatigiiffik nukissiuuteqarnermut immikkoortortamik avitsinikkut pilersinneqar-sinnaasooq kiffartuussinissamik isumaqatigiissuteqarfigineqassappat suliassaqarfimmi kiffar-tuussinissamut isumaqatigiissutini piumasaqaatit Naalakkersuisut allanngortinniarnaqa-lersaarpat?

Ataatsimiititaliap isumaa malillugu siunnersuutip matuma imarisaa pinnani kiffartuussi-nissamilli isumaqatigiissutit ilusiligaanerat inuiaqatigiinnut pingaarutilimmik kinguneqaate-qartarpoq.

Siunnersuutip KNI-p aaqqissuussaananut kingunerisassai

Apeqquut 4:

Ingerlatseqatigiiffik kiffartuussinissamik isumaqatigiissuteqarfigineqarsinnaasooq suliffeqar-fissuarmut KNI-mut Naalakkersuisut ilaatersaarpaat suliffissuartut aaqqissugaanerup iluaqutissartai ilanngullugit?


Ataatsimiititaliap apeqqutaanut oqaaseqaataanullu Naalakkersuisut akissutaasa oqaaseqaa-taasalu saniatigut siunnersuinerup malitsigisaanik apeqquteqartoqartarnissaa naatsorsuuti-gineqassaaq.

Ataatsimiititaliap Naalakkersuisumik siunnersuinerata Naalakkersuisup ataatsimiititaliallu akornanni pingaarnersiulluni tulleriarinerit anguniakkallu pillugit naalakkersuinermut

tungasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiaq kingusinnerpaamik ataatsimiititaliap Naalakkersuisumik siunersiuinerata kinguninngua uunga nassiunneqarnissaa qinnutigineqarpoq: saam@ina.gl. Allakkiaq ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Med venlig hilsen



Jens Immanuelson
Formand for Finans- og Skatteudvalget



Isumasioqatigiinnermut allakkiaq

Hanngussaq 2
Bilag

**17. november 2016-imi Aningaasaqarnermut Akileraartarnermullu
Ataatsimiititaliarlu isumasioqatigiinnissamut allakkiaq, oqaluuserisassani
imm. UKA2016/113.**

7-11-2016
Sags nr. 2016 - 7981

Ullormut oqaluuserisassamik ataatsimiititaliap suliaqarnissaanut atatillugu ataani
apeqqutini paasisaqarniarluni Aningaasaqarnermut Ataatsimiititaliap
Inuussutissarsiornermut, Suliffeqarnermut, Niuernermit Nunanullu Allanut
Naalakkersuisoq isumasioqatigiinnissamut qaaqqusimavaa:

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

”Aningaasaqarnermut Akileraartarnermullu Ataatsimiititaliap paasinninnera
malillugu siunnersuutip aappasaaneerqarnerani siunnersuummi pingaartumik
pissutsit marluk oqallissutaapput. Siullermik avitsisoqassagaluarpat tamatuma
kingunerisinnaasai apeqquserneqarput. Aappaattut ingerlatseqatigiiffik nutaaq
suliassaminik kivitsisinnaangippat tamatuma kingunerisassai aammalu
innuttaasunut inuiaqatigiinnullu tamanna qanoq kinguneqassanersoq
apeqquserneqarpoq.

Avitsinissaq

Apeqqut pingarneq siulleq avitsinissap kingunerisinnaasaanut tunngasoq
pillugu ataatsimiititaliaq isumaliutissiisummini siullermi ima allappoq:

*“Ataatsimiititaliamit oqaatigineqassaaq siunnersuummi pingaarnertut
pineqartoq tassaangimmat avitsineq piviusunngortinneqassappat
tamatuma kingunerisinnaasai. Taakku ataatsimiititaliap isumaa
malillugu avitsinissamut pilersaarummi naamassillugu
suliarineqartumi, avitsinissap piviusunngortinneqarnissaanut aala-
jangiinissamut tunngaviusussami, aatsaat takuneqarsinnaassapput.
Avitsinissamut pilersaarummi avitsinerup aningaasatigut
kingunerisassai aatsaat takuneqarsinnaassapput. Taamattumillu
paasissutissat taakku ujartornissaannut suli siusippallaartoq
ataatsimiititaliaq isumaqarpoq. Ataatsimiititaliap isumaa malillugu
avitsinissaq pillugu misissueqqissaarnerup aallartinneqarneranut
ingerlanneqarnerannullu aningaasartuutissat tassaassapput
siunnersuutip kingunerisassavii.”*

Ataatsimiititaliap ersarilluinnartumik naatsorsuutigaa avitsinissaq aatsaat
ingerlanneqassasoq avitsinissamik misissueqqaarnikkut maleruagassat atuuttut

tungavigalugit taama kissaateqarneq tungavissineqarpat. Taamaattumillu tamanna pillugu aalajangiisoqannginnerani avitsinissamik pilersaarutaajunnartut ataatsimiititaliamut ilisimatitsissutitut nassiunneqarnissaat Naalakkersuisunit qulakkeerumaneqarmat ataatsimiititaliamit iluarisimaarneqarpoq.

Apeqqut 1:

Siuliani taaneqartunut Naalakkersuisut oqaaseqaateqarnissaat ataatsimiititaliamit kissaatigineqarpoq.”

Akissut:

Taamaallaat avitsinermik misissueqqissaarineq malittarisassiat atuuttut malillugit taamatut kissaateqarnermik tapersersuissappat avitsisoqarnissaq pillugu ataatsimiititaliap isumaliutersuutaanut Naalakkersuisut isumaqatiginnipput. Taamatutaaq avitsinissaq pillugu inaarutaasumik aalajangiisoqartinnagu avitsinissamut pilersaarutaasinnaasut ataatsimiititaliamut ilisimatitsissutitut nassiunneqarnissaat Naalakkersuisut qularnaarniarpaat.

”Inuiaqatigiinnut kingunerisassat

Apeqqutip pingaarnerup aappaa nukissiuuteqarnermut immikkoortortap ingerlatseqatigiiffittut nutaatut ikummatissanik imerpalasunik pilersuisussaataaerneramik ingerlatitseqqinnerani inuiaqatigiinnut kingunerisassanut tungavoq. Ataatsimiititaliami ikinnerussuteqartut Inuit Ataqaatigiit ilaasortaatai immikkoortup aappassaaneerseqarnissaanut ataaatsimiititaliap isumaliutissiissutaani ikinnerussuteqarlutik ima oqaaseqaateqarput:

”Isumaqarpugut nunatta sineriaani nunaqarfippassuit illoqarfippassuillu pingaartumik inoqarfuit avinngarusimasut KNI aqutigalugu pilersorneqarnissaannik kiffartuunneqarnissaannillu qulakkeerisimaneq navianartorsiortinneqariaannaasoq. Tamannalu pissasoq KNI ulluinnarni aningaasarsiornikkut napatinneqarneranut ilapittuutaalluartoq Polar Oil A/S avissaartinneqassagaluarpat.

Ingerlatseqatigiiffiit pineqartut nunatsinni inoqarfinni inuit kiffartuunneqarnerannut akilersinnaassuseqartitsinermullu kivitseqatigiilluartuupput. Kivitseqatigiinnerli plusoq ajorseriartinneqassaaq ingerlatseqatigiiffiit avinneqarpata, aamma ”kiffartuusseqatigiikkunnaarpata”. Inuit Ataqaatigiit qulakkeersinnaasimannngilarput KNI ilumut ullumikkutut kiffartuussinini pilersuininilu attatiinnarsinnaasimassaneraa Polar Oil A/S

*toqqaanartumik suleqatigiunnaaruniuk, imaluunniit iluanaarutitigut
avitseqatigisarunnaaruniuk.*

*Inuit kiffartuunneqarnerat illoqarfinni inuttunerusuni kisimi
ingerlaleqqunagu, aamma isorliunerusut
kiffartuunneqarsinnaajuarnissaat, minnerunngitsumillu nunaqarfinni
kiffartuussinerup ajorsiartulinnginnissaa qulakkeerniarlugu siunnersuut
Inuit Ataqtigiinniit itigartipparput. Ingerlatseqatigiiffiit pineqartut
sulisoqarnermikkut, pilersuiner mikkut kiffartuussiner mikkut aammalu
ingerlatsinikkut siuarsaasinnaassuseqarnissaat allannguuteqartussaq
qulaajaaffigineqanngimmat.*

*Taamaattumik aalajangernissamat tunngavissat amigarluinnartut
tunngavigalugit, aalangiiffigisassarlu taamak annertutigisoq
"nikussutiinnarlugu" aalajangersaaffigineqartariaqanngitsoq Inuit
Ataqtigiit aalajangiusimavarput. Nunatsinni sapinngisamik inuit
tamarmik pitsaanerpaamik kiffartuunneqarnissaat
qulakkeerniagassaammat akerliulluta taasissaagut."*

Ikinnerussuteqarluni oqaaseqaat taanna ataatsimiititaliap isumaa malillugu
immikkoortup aappassaaneerseqarnissaani isumakuluutitut
saqqummiunneqartunut eqikkaatitut atorluarneqarsinnaavoq.

Apeqquut 2:

Taamaattumillu ikinnerussuteqarluni oqaaseqaatip siuliani taaneqartup
imarisaanut Naalakkersuisut oqaaseqaateqarnissaat ataatsimiititaliamit
kissaatigineqarpoq."

Akissut:

Avitsineqassappat ikummatissaarniarfiup aqunneqarnerata nukittorsarneranik
tamanna annerpaamik kinguneqassaaq. Naalakkersuisut tamanna pisariaqartoq
isumaqarput. KNI maannakkumut akinik aningaasanillu qulakkeeriniarnermini
ingerlatsivimmuut katillugit ajunaaruteqartitsisarpoq pisussaaffiit tamaasa
maannakkorpiaq akilerneqassagaluarpata, tassa 31.3.2016-mi 407,8 mio. kr.-t.

Ingerlatsiviup naatsorsuutaani annaasaqaatit taakku ingerlatsinermi
aneqanngillat, toqqaanartumillu nammineq aningaasaatinin. Ingerlatsiviup
aqutsisoqarnermi nalunaarutaani allassimavoq periuseq annertuumik ajunaarutit
nammineq aningaasaatinut nuunneqartarnerisa tunngavigigaat "taakku
ingerlatsiviup aningaasaqarneranut ajoqutaanaviannngitsut, taakkumi pisiassat
akiinut ilanngunneqariissammata".

Qularutissaanngilaq ingerlatsiviup akinik aningaasanillu qulakkeeriniarnermini innuttaasut 407,8 mio. kr.-nik saniatigut aningaasartuuteqartimmagit. Taannalu pingaarnertut peqqutigineqarpoq Naalakkersuisut pingaartimmassuk aaqqissuussinermi sinaakkutaqarnissamik taassuma ajornartorsiutip annertunerusumik isiginiarneqarnissaanut. 21. oktober 2016 isumasioqatigiinnermi Naalakkersuisut tamanna eqqaasitsissutigaat.

Kalaallit Nunaanni innuttaasunik tamanik sapinngisamik pitsaanerpaamik kiffartuussisoqarneq qulakkiissagipput oqaatigeriarlugu Naalakkersuisut soorunami tamanna isumaqataaffigaat. Tunisisoqarfimmi siammarterisoqarfimmilu – taamaattooqassanerpalu – nioqqutissanik ikummatissamillu pilersuisoqarnerup akornanni taamaallaat annikitsuaraaqpanik sunniivigeqatigiinnikkut sunniuteqartoqarnera Naalakkersuisut erseqqissumik paasisimavaat. Taamaattumik nunaqarfinni isorliunerusunilu innuttaasunik kiffartuussinerit – imaluunniit tamaasa ilanngullugit – ingerlatseqatigiiffimmi immikkut ittumi ikummatissamik pilersuisoqarfiup ajornanngippat immikkoortinneqarnissamik sunniivigineqassanngillat.

Ullumikkut ilisimasatsitut KNI-mi suliffissuaqarfiup iluani nioqqutissanik pilersuineramik suliaqarnerit aamma ikummatissamik suliaqarnerit akornanni sunniivigeqatigiinnikkut sunniuteqartoqartoq Naalakkersuisut soorunami akuerivaat. Sunniivigeqatigiinneq tamanna aqutsinermut, HR-imut atuuffimmut immaqalu aningaasaliinermut tunngasuvoq. Avitsinissamik misissueqqissaarinerup takkuttussap sunniutinik taakkuninnga, taakkulu aningaasaqarnikkut pingaaruteqassusiannik paasinarsaassaaq. Soorlulusooq nioqqutissanik ikummatissamillu pilersuineramik annertunerusumik aqutsisoqarnermut tunngatillugu sammisaqarnermik inuiaqatigiinnut tunngatillugu naleqassuseq pingaaruteqarsinnaalluni.

21. oktober 2016 isumasioqatigiinnermi Naalakkersuisut makku saqqummiuppaat:

Ataatsimeersuarnermik pisussaaffeqarnermikkut Naalakkersuisut namminersorlutik oqartussat pigisaattut ingerlatseqatigiiffiit ingerlatsinermi aningaasaqarnikkut illersorneqarsinnaasumik ingerlanneqartuunerannik nakkutilliisussaapput, aammali namminersorlutik oqartussat pigisaattut ingerlatseqatigiiffinnut atuuttumik inatsisaasunut naapertuuttumik inuiaqatigiinni aningaasaqarnikkut iluarinartumik iluseqartutut ingerlatarinerat pillugu.

KNI A/S-imut 2015-2016-imut ukiumoortumik nalunaarummi immikkut ittumik sianigineqarnissaannik alaatsinaannissaannillu naatsorsuinermit tunngassutilittut

pissutsit ilaat malunnartuupput. Taamaalilluni ingerlatseqatigiiffiup nammineq aningaasatai 31. marts 2012-imi DKK 937,3 mio.-nit 31. marts 2016-imi DKK 786,9 mio.-nut ikileriarsimapput. Ikileriaat tamarmiusoq DKK 150,4 mio.-nik nalilik. Piffissamilu 31. marts 2015-imit 31. marts 2016-imuinnaq nammineq aningaasaatini DKK 104,3 mio.-nik imaluunniit 11,7 %-inik ikileriartoqarsimavoq.

2015/2016-imut ukiumoortumik nalunaarummi aqutsisoqatigiit nalunaarutaanni matuminnga oqaaseqaateqartoqarpoq:

”Aningaasalersuinermit atorineqartut niuernermit nalingat piffissami 31. marts 2015-31. marts 2016 218,7 mio. DKK-nik appariarsimavoq.

Ukiup naatsorsuiffiusup 2015/16-ip naanerani nalingat minusimiilluni 407,8 mio. DKK-uvoq.

Aningaasalersuinermit atortut pilersinneqartarput ikummatissat imerpalasut tuniniarneqarneranni akii allannngortippallaarumanagit, nioqqutissat akiisa aningaasallu nalingi pillugit qularnaarinerit ingerlaavartumik isumaqatigiissuteqarfigneqarnerisigut.”

2015/2016-imut ukiumoortumik nalunaarummi aqutsisoqatigiit nalunaarutaanni nangillugu imatut allassimasoqarpoq:

”Qularnaarinerit tamakku niuerfinni nalingat ullormi naatsorsuiffiusumi naatsorsorneqartarput namminerlu aningaasaatitut inissinneqartarlutik, tamanna pisarpoq qularnaarinerit suliffeqarfiup ingerlatsineranut pitsaasutut nalilerneqaraangata.

Akiligasseeriaatsini allani niuernerup iluani pitsaanngitsumik ingerlasoqarnera suliffeqarfiup akiliisinnaassusaata annertussusianut pitsaanngitsumik sunniuteqarpoq. Quppernermi 9-mi suliffeqarfissuarmi kisitsisit pingaarnerit najoqqutassallu akiliisinnaassutsip annertussusaa – niuernerup iluani pitsaanngitsumik ingerlasoqarnerani nalinga ilanngullugu – 35,0 %-iunera ersippoq.

Niuernerup iluani pitsaanngitsumik ingerlasoqarnerata nalinga ilanngunnagu naatsorsueriaaseq atorlugu naatsorsukkat tamaasa 1. januar 2017 (maanna isumaqatigiissutip atuuttup naanissaata tungaanut) sioqqullugu naatsorsoqqikkaanni, taava akiliisinnaassutsip annertussusaa 54,8 %-iussagaluarpoq.

Tamatumani pingaaruteqarpoq erseqqissassallugu niuernerup iluani pitsaanngitsumik ingerlasoqarnera – nioqqutissanik aningaasallu nalinginut sillimmartaarneq eqqarsaatigalugu – suliffeqarfiup aningaasaqarneranut sunniuteqarnerlussanngilaq, tassami nalingi atuisunut akigitinneqartunut ilanngullugit naatsorsuinermi ilanngunneqartuaannarmata.”

Taamaalilluni pisisartut akiligassaannut orsussanut akinut akit qulakkeerniarlugit isumaqatigiissutaasuni killup tungaanut nalilittut naleqassuseq ilassutigineqassasoq ukiumoortumik nalunaarummi takuneqarsinnaavoq.

Taamaalilluni qutsisoqarnermut tunngatillugu sammisaqarneq uuliamik tunisassianik qulakkeerinninniarluni isumaqatigiissutinik pitsaanerusunik qulakkeerisinnaassappat KNI-p nammineq aningaasaataani attassisinnaassusaanimlu annertuunik pitsanngoriartuutinik qularnaarisoqarsinnaavoq, minnerunngitsumillu pisisartut uuliamut akinik appasinnerusunik pissarsisinnaassallutik.

”Kiffartuussinissamik isumaqatigiissutit

Kiffartuussinissamik isumaqatigiissutit ingerlatseqatigiiffimmut nutaamut isumaqatigiissutigineqarsinnaasut ajorseriaateqannginnissaat ataatsimiititaliamit ersarilluinnartumik naatsorsuutigineqartoq siunnersuutip matuma aappassaaneerseqarnissaanut ataatsimiititaliap isumaliutissiissutaani allassimavoq. Ataatsimiititaliaq ima allappoq:

” Taamaattumillu ataatsimiititaliamit naatsorsuutigineqarpoq ingerlatseqatigiiffik nutaaq, nukissiuuteqarnermut immikkoortortap maanna ingerlataanik ingerlatsitseqqittussaq, atugassarititaareersut assinginik atugassaqartinneqassasoq. Siuliani taaneqareersut ingerlatseqatigiiffiit suliassat inuiaqatigiinnut pingaarutillit pillugit kiffartuussinissamik isumaqatigiissuteqarfigineqartut suliassanik illersorneqarsinnaasumik ilumut isumaginnissinnaanissaat ataatsimiititaliamut aalajangiisuusumik pingaaruteqarpoq. Tamanna tunngavigalugu ingerlatseqatigiiffimmut Namminersorlutik Oqartussanit pigineqartumut nutaamut kiffartuussinissamik isumaqatigiissuteqarnissaq akimmisaarfissaqanngitsaq ataatsimiititaliaq isumaqarpoq, tassa Namminersorlutik Oqartussat suliassanik isumaginninnermi piunasaqaataat ajorseriaateqartinneqanngippata.”

Tamanna pillugu isummani ataatsimiititaliap allannortinngilaa. Ataatsimiititaliamut aalajangiisuusoq tassaavoq ingerlatseqatigiiffiit suliassanik inuiaqatigiinnut pingaarutillinnik kiffartuussinissamik isumaqatigiissuteqarfigineqartut suliassamik illersorneqarsinnaasumik

kivitsisinnaanissaat. Kiisalu ataatsimiititaliamit erseqqissarneqassaaq suliaasaqarfimmi tamatumani kiffartuussinissamik isumaqatigiissuteqarnissaq aningaasanut inatsisikkut inatsisinullu atuuttunut naapertuuttumik maleruagassiuunneqarmat.

Apeqqut 3:

Ingerlatseqatigiiffik nukissiuuteqarnermut immikkoortortamik avitsinikkut pilersinneqarsinnaasoq kiffartuussinissamik isumaqatigiissuteqarfigineqassappat suliaasaqarfimmi kiffartuussinissamut isumaqatigiissutini piunasaqaatit Naalakkersuisut allanngortinniarneqalersaarpat?”

Akissut:

Aallarniutigalugu KNI A/S-ilu kiffartuussinissamik isumaqatigiissutit avitsinerusinnaasumik attorneqassanngillat. Ikummatissamik pilersuineq pillugu kiffartuussinissamik isumaqatigiissut ingerlatseqatigiiffimmut nutaamut nuunneqassaaq, piunasaqaataasulli allannguuteqassanngillat.

”Siunnersuutip KNI-p aaqqissuussaananut kingunerisassai

Apeqqut 4:

Ingerlatseqatigiiffik kiffartuussinissamik isumaqatigiissuteqarfigineqarsinnaasoq suliffeqarfissuarmut KNI-mut Naalakkersuisut ilaatersaarpaat suliffissuartut aaqqissugaanerup iluaqutissartai ilanngullugit?”

Akissut:

Avitsisoqassatillugu imaaliallaannaq uuliamik pilersuisartutut ingerlatseqatigiiffik nutaaq KNI-mi suliffissuup ilaajuarnissaa naleqquttuussanngilaq. Akimuisutut ikiorsiissutitut tapiissutinut, aammalu akinik aningaasaatinillu qularnaarinernut atorneqartunut tunngatillugu tamakkiisumik erseqqarissitsinissamik sianiginninnerup uuliamik pilersuisartutut ingerlatseqatigiiffiup nutaap toqqaannartumik namminersorlutik oqartussat pigineqarnissaanut piukkussaarissaaq. Taamaattorli KNI A/S-ip ataani ingerlatseqatigiiffiup pigisarineranik iluserisaq – soorlu Neqi A/S-itut ittumik – atuutsilerluarneqarsinnaavoq, taamatut iluarsiiissuteqarnerup tulluarnerpaassaneranik avitsinissamik misissueqqissaarinerup takutissappagu.